

ԳԵՐ. Տ. ԽՈՍՐՈՎ ԵՊԻՍԿՈՊՈՍ ԷՄԻՐՁԵՅԱՆ



Նորապսակ Տ. Խոսրով եպս. էմիրզեյանը, ավագանի անունով՝ Անդրանիկ, ծնվել է Կ. Պոլսում, 1932 թվականին, հավատացյալ և բարեպաշտ հայ ընտանիքի ծոցում: Հայրը՝ Կարապետ, ակնցի, մայրը՝ Մայրենի, արաբ-կիրցի:

Նախնական կրթությունն ստացել է Պեղ-ճյան վարժարանում, իսկ միջնակարգը՝ Բան-կալթիի Մխիթարյան վարժարանում:

1951 թվականի դեկտեմբերին Գումգաբուի մայր եկեղեցում սարկավագ է ձեռնադրվել հոգելույս Տ. Գարեգին պատրիարքից և մինչև 1953 թվականը հետևել է պատրիարքարանին առընթեր բացված Ընծայարանի դասընթաց-ներին: 1954 թվականին ուսուցչության է կոչվել Սկյուտարի Ս. Խաչ դպրեվանքում:

1957 թվականին ընդունվում է Անթիլիա-սի դպրեվանքի Ընծայարանի բաժինը, և 1958 թվականին փայլուն հաջողությամբ ավար-տելով այն, կուսակրոն բահանա է ձեռ-

նադրվում Անթիլիասի Մայր Տաճարում՝ Գեր. Տ. Արտակ եպս. Մանուկյանի ձեռամբ: 1961 թվականին հոգելույս Տ. Զարեհ կաթո-ղիկոսից ստանում է մասնավոր վարդապե-տության աստիճան: 1958—1962 թթ. Անթի-լիասի վանքի մեջ վարում է մի շարք պա-տասխանատու պաշտոններ:

1962 թվականին վերադառնում է Կ. Պո-լիս և նշանակվում քարոզիչ եկեղեցիների, և ուսուցիչ՝ Ս. Խաչ դպրեվանքի: 1963 թվա-կանին ստանձնում է Ս. Խաչ դպրեվանքի փոխ-տեսչի պաշտոնը:

1965 թվականի հունիսին Բեյ-օղլուի Ս. Երրորդություն եկեղեցում ստանում է ծայ-րագույն վարդապետության իշխանություն՝ ամենապատիվ Տ. Շնորհք սրբազան պատ-րիարքից:

1966 թվականի հունիսին Կ. Պոլսում սրբազան պատրիարք հոր նախագահության ներքո գումարված կրոնական ժողովը Տ. Խոսրով ծ. վարդապետին տվել է եպիսկոպո-սացման ընծայագիր:

1966 թվականի նոյեմբերի 13-ին, կիրակի օր, Ամենայն Հայոց Վեհափառ Հայրապետ Մ. Տաճարում եպիսկոպոս է ձեռնադրում և օծում Տ. Խոսրով ծ. վարդապետին:

1966 թվականի նոյեմբերի 7-ին Տ. Խոս-րով ծ. վարդապետը գրավոր դիմում էր ներ-կայացրել Ամենայն Հայոց Վեհափառ Հայ-րապետին, Մ. Աթոռ Ս. էջմիածնի միաբան դառնալու համար, հրաժարվելով Անթիլիա-սի Կիլիկյան Աթոռի միաբանությունից: Ն. Ս. Օծությունը հարգելով եղած դիմումը, բա-րեհաճել էր տալ իր համաձայնությունը, ըն-դունելով նորապսակ սրբազանին միաբան Մայր Աթոռ Ս. էջմիածնի:

Գեր. Տ. Խոսրով եպիսկոպոսը գտնվում է իր հոգևոր և իմացական ուժերի հասունու-թյան և ծաղկման շրջանում: Սրբազանը հա-վատավոր, պատրաստված իր կոչման և իր պարտականություններին նվիրված հոգևո-րական է:

Կ. Պոլսի սրբազան պատրիարք հայրը, Ստամբուլի հայ հավատացյալ համայնե-րեն ու ժողովուրդը նորապսակ սրբազանից սպասում են արդյունաշատ և բեղուն գոր-ծունեություն, ի պայծառություն Հայաստան-յայց Եկեղեցու: